



14-2-6-20



C. V.

GASPARIS SCIOPPII

CÆSARII ET REGII
Consiliarij

PAEDIA POLITICÆ
Sive

SYMPETIÆ LOGICA
Scriptoribus Politicis lat.



ADVERSUS ΑΓΑΙΔΕΥΣΙΑΝ ΕΙ
Acerbitatem Plebeiorum quo-
rundam iudiciorum.



MEDIOLANI, Apud Io. Bapt. Bidell.
M. DC. XXIV.

Potest denuò imprimi
Fr. Vinc. Aquens. Prouic. S. Officij Med.
Fr. Al. Bariola Consultor S. Offitij pro Il-
lustrissimo D. Card. Archiepisc.
Vidit Saccus &c.

Lectoris Admonitio. 3



Vo minus nouum aut mirū tibi accidat, Lector beneuole, qđ multis Politicorum censuribus Apædensiæ dicam scribo, ipsum Aristotelem Ethicorū Eudem lib. 1. cap. 6. prius à te velim consuli. Ibi enim duo quædam inuenies; quæ non in illorum magis temporum æquales, quàm in homines ætatis nostræ dicta videantur. Primum ait, quibusdā, qui de Politicis rebus differant, non parum sæpe vsu venire, vt in mediū afferant *ἄλλοτρίας λόγους τῆς πραγμάτων καὶ κινήσεως*, idest, *rationes à negotio proposito alienas atque inanes*. Deinde; contingere non raro, vt homines vsu periti, & in rebus agēdis versati ab alijs disputando vincantur, qui artem ipsam ciuilem siue Politicam non didicerint, nec rerum ciuiliū vsum habeant. Vtriusque verò rei cause eorum, qui vincuntur aut aliena afferunt, apædensiæ assis-



gnat, quæ quid sit, totidem verbis mox declarat: Ἀπαιδευσία ἐστὶ περὶ ἑνασον πρᾶγμα τὸ μὴ δύνασθαι ἡγεῖν τὸς τε διήκους λόγους τῷ πράγματι, καὶ τοὺς ἀλλοτρίους. Idest, Ignoratio Pædiæ est, non posse iudicare in quaquaquere, quæ rationes propriæ, quæ alienæ afferantur. Atque hinc intelligi potest, ut quis rectè de Politicis differat, nequaquam satis esse, si vel multo studio, vel rerum hominūque usu Politicam didicerit, sed hoc amplius requiri, ut sit *παιδευμένος*, siue Pædia instructus, quod ipsum tertio Politicorum capite septimo, vel undecimo in hunc modum affirmat: ἰατρὸς ὅτι Δημιουργός, καὶ ἄρχιτεχνόνηος, καὶ ἴριτος ὁ ὠπαιδευμένος περὶ τῶν τέχνην. εἰσὶ γὰρ ἴνες τοιοῦτος περὶ πᾶσας, ὡς εἰπῆν, ἴας τέχνας. Ἀποδιδομεν δὲ τὸ ἡγεῖν ὅθεν ἢ τῶν τοῖς *παιδευμένοις* ἢ τῶν ἀδόσιμ. In his verbis fæde interpretes allucinantur, existimantes *παιδευμένον* περὶ τῶν τέχνην esse usu peritum artis, siue, qui à pueritia expertus sit circa artem, cum re vera is sit, q̄ ex Analyticis didicerit, quid

quid in arte rectè secusve tradatur, quid proprium sit siue homogeneum, quid heterogeneum, siue alienum. Alius nempe Medicinam facit siue exercet, nesciēs quare hoc aut illud faciat, qui est velut opifex, siue vsu peritus aut empiricus; alius artem medendi scit, vt causam possit reddere, cur quicque faciendum sit, qui velut Architectus præst operi: alii denique quamuis nec vsum, nec scientiam medendi habeat, nouit tamen, quid malè aut bene ab eo dicatur, qui Medicinam docet, vel de illa differit, qui est *ἡγεμὸν* in arte medica, sicut alij in alijs artibus, nonnulli quodāmodo in omnibus. Recte igitur princeps Peripateticorum Nunnescius in Physicarū institutionū præfatione, vbi accuratissimè nec minus elegāter de Pædia differit, sic Aristotelis verba cōuertit: *Medicus est & Faber, & Architectus, & tertius, qui Pædian tenet artis. Sunt enim tales in omni prope arte periti, quibus tam concedimus iu-*

dicare de artibus, quam *ἡς, qui scientiam tenent*. Idem ipsum Philosophus de Scientia & Pædia principio libri primi de partibus animalium docet, sed quid sibi velit, propter locum infeliciter Latine à Theodoro Gaza redditum, parum multi percipiunt. Verba ei⁹ sunt. *Περὶ πάσαν θεωρίαν καὶ μέθοδον, ὁμοίως ταπεινωτέραν τε καὶ τιμιωτέραν, δύο φαίνονται τρόποι τῆς ἐξέως ἔναι. ὧν τὸν μὲν ἐπιστήμην τῶν πραγμάτων καλῶς ἔχει προσαγορεύειν, τὴν δὲ οἷον παιδείαν τιν' ἄ. Γεπαιδευμένον γὰρ ἐστὶ κατὰ τρόπον τὸ δύνασθαι κρίνειν ἐν στόχῳ, τί καλῶς, ἢ μὴ καλῶς ἀποδίδωσιν ὁ λέγων.* Putat Gaza Pædian esse Peritiam, siue notitiam ex usu, cum sit *τρόπος τῆς μεθόδου*, velut ipse docet Aristoteles in extremo eiusdem libri primi, idest, *ratio, modus, viaque tractandi*, ut ibi rectè ipse Gaza interpretatur, quam aliter Aristoteles in calce primi Metaphysici minoris *τρόπον ἐπιστήμης*, idest, *Scientiæ modum* appellat. Proinde nec *γεπαιδευμένος* est *probe peritus*, ut Gaza vertit, sed Analyticus

cus siue Pædia instructus, qui no-
uit, qua via ac modo artes & di-
sciplinæ tradi debeant. Tandem
male Gaza Methodum interpre-
tatur *viam & rationem docēdi*, quasi
eadem esset ac Pædia, cum Aristo-
teli solemne sit ea voce uti pro cō-
gnitione, arte, scientia, quod &
interpreter eius Alexander in pri-
mo Topicorum testatur. Locum
igitur totum rectius sic conuerte-
rimus: *In omni contemplatione &
disciplina, tam nobiliori, quam ignobi-
liori, duos esse habitus apparet, quo-
rum alterum rei scientiam, alterum
Pædian quandam, seu tractandi mo-
dum, recte quis appellauerit. Eius
enim qui Pædian habet, munus est pos-
se solerter indicare, quid rectè, aut
quid non rectè explicet is, qui dicit.*

Iam cum Pædiæ sit rei ad tra-
ctandum propositæ οικήα siue sua
ac propria, Apædeusiæ vicissim
ἀλλότρια, siue aliena in medium af-
ferre, non illū modò ἀπαιδεύτως,
idest, nulla Pædia, nulloq; dele-
ctu differere Aristoteles insimul-
lat, qui ea, quæ Loco, sed etiam

qui quæ Genere aliena sunt, tractat. De ijs, quæ *Loco aliena* sunt, totus liber primus de partibus animalium argumento fuerit, cū in cōstituenda eius tractationis Pædia hoc potissimū consilio occupetur, ne sæpius eadem iterare, siue de ijsdem rebus pluribus locis dicere sit necesse. Itaque ut suo quicque loco diceretur, hunc Physiologiæ limitem siue terminum, idest, methodi præceptum fixit, ut à generalioribus ad specialiora fiat progressus. Sic enim fit, ut quæ in Generis tractione diximus, posterius in explicandis eius formis siue speciebus iterare minime necesse habeamus.

Quæ Genere sunt *aliena* siue alterius generis, vel ad ipsum artis aut disciplinæ subiectum pertinent, vel ad instrumenta, quorū in subiecto quoque tractando usus est. Itaque in I I I. Metaphysic. I I I. quibusdam Philosophis, ut ignorarent quid Physico, quid primo Philosopho seu Metaphysico subiectum sit, *ἂν ἀπαιτεῖται*

⁹
 τῶν ἀνακτιμῶν , propter Analytico-
 rum pædiæ inscitiam vsuuenisse affir-
 mat, nec minus Rhetoribus, vt
 se pro Politicis venditarent, in
 1. Rethor. 11. quoniam scilicet fi-
 nes artium Politicæ & Rhetori-
 cæ, siue quid vtrique earum pro-
 prium, quid alienum esset, ex A-
 nalyticis indicare non didice-
 rint. Illa enim docent Pædiam,
 idest, artis cuiusq; tractandi mo-
 dum & viam, cuius inter prima
 præcepta est, vt demonstrationes
 sint propriæ, non alienæ, neu de
 genere ad genus fiat transitus.
 quod præceptum à Pythagora ne-
 glectū fuisse in principio Magnō
 rum Moralium queritur, ὅτι τὰς
 ἀρετὰς εἰς τὰς ἀριθμοὺς ἀνάγαγῃ, ὅν οἱ νεῖκεται
 τῶν ἀρετῶν τὴν θεωρίαν ἐπαυήσασθαι, quo-
 niam virtutes ad numeros referens ne-
 quaquam ea inquirendi vsus fuerit ra-
 tione, quæ esset virtuti sua aut p̄pria.
 Eiusdem culpæ statim reum agit
 Platonem, partim quod virtutē
 cum tractatione eius, quod per
 se bonum est, miscuerit, partim
 quod cum de humano bono di-

cere instituisse, de Deorum bono egerit. Rationem sic reddit: *οὐ γὰρ ὁμῶς*, non enim hoc ei disputationi proprium, sed alienū est. *οὐδὲρ γὰρ τούτῳ καὶ αἰνῶ, κοινὸν*, non enim huic & illi quicquam commune est. *ὑπὲρ τούτου καὶ ἄλλος λόγος. καὶ ἀλλοτρία ἢ σκέψις*, super illo alterius loci sermo, & aliena eius est consideratio. Eamdem Apædeusiæ notā 111. Metaphys. iv. Philosophis illis inurit, qui omnium principia, cum certa sint, & probationem habeant nullam, probare nihilominus conantur. *ἐστὶν γὰρ ἀπαιδευσία, τὸ μὴ γινώσκειν τίνων δεῖν ἢ ἄν ἀπόδειξις, καὶ τίνων οὐ δεῖ.* Est enim pædiæ inscitia nescire, quorum oporteat quærare demonstrationem, quorum verò non oporteat. Idem ipsum habet argumenti, quod principio quarti Politicorum Platonem multa quidem præclara de optima Repub. scribere, ab utilitate tamen aberrare insinuat. nam politica est utilitatis publica scientia, siue eorum, quibus uti possumus ad condendū tuendum.

dumque statum. quorū ergo nullus eam ad rem usus est, sunt censenda Aliena, neque sine apædeusia in schola politica tractari, possunt. Alienæ quoque sunt politicorum præceptorum rationes, quamvis veræ, quamvis vtilis, si ad sublimiores scientias pertineant, neq; πεπαιδυσμένος, seu pe-
dia præditus existimabitur, qui eas vel ipse ad disputandū aduocare, vel ab alijs exigere, fuerit ausus. Hoc in principio Ethicorum Nicomachiorum Aristoteles his verbis perspicuè docet: πεπαιδυσμένος, id est eius qui prædian didicit, munus est eatenus exactam in unoquoque genere explicationem requirere, quatenus pati rei ipsius natura potest. Simile enim vitium videtur Mathematicū verisimilibus vntem approbare, & ab Oratore demonstrationes exigere.

Atque ex istis Aristotelis auctoritatibus explorato indicari potest, quatenus de Principis pietate in acroasi politica præcipi debeat. Cum enim pietas iusti-

tiæ species sit, iustitia verò philo-
 sophiæ morali subiiciatur, nō est
 dubium Principi à parentibus &
 domesticis morum māgistris ve-
 ram pietatem accurate instillari
 debere . Rursum cum eadem sit
 inter causas administras siue in-
 strumentā salutis animę, eius tra-
 ctatio ad Theologiam pertinet,
 adeoque Theologi eiusque qui
 verbum Dei prædicat , officium
 est, Principem ad pietatem inflā-
 mare . Politicus & ipse Pietatem
 ei præscribit , non aliter tamen ,
 quam quia sit ad conseruandum
 statum vtilis. nam Finis artis cu-
 iusque vel disciplinæ omnium a-
 diumentorum siue instrumento-
 rum (vulgo Mediorum) ad finem
 idoneorum mensura seu norma
 est . Quicquid ergo in Politica
 præcipitur , nisi vim habeat effi-
 ciendi Finem eius, qui est Status
 conseruatio , nequaquam *οὐκ ἴσχυ* ;
 siue proprium , sed alienum me-
 ritò perhibetur. Pietas igitur cū
 ingentes ad conseruandum Sta-
 tum vires habeat, omnino, à Poli-
 tico

tico præcipi debet. Sed cum aliâ
 eius Vtilitatem ex Theologia si-
 ne sacris literis, aliam ex Politi-
 ca vitæque ciuilis vsu notam ha-
 beamus, Pædia postulat, vt suam
 vterque doctor, non alienâ Vti-
 litatem commemoret. Sicut er-
 go Theologus Principemhorta-
 bitur esse Pium, vt Deum sibi red-
 dat propitium, eoque pacto, &
 imperium eius prosperetur, &
 anima salua fiat, quoniam *Deus*
glorificantes se glorificat, 1. Reg. 2. &
Pietas ad omnia utilis est, promissio-
nem habens uitæ, quæ nunc est, & fu-
turæ, 1. Tim. 4. Similiter Politicus
 Pietatem ante omnia Principi cõ-
 mēdabit, quoniam ea hominum
 animos illi reddat propitios, vt
 eum cum ament, tum reuerēan-
 tur, quibus duabus rebus impe-
 rium conseruari palam est. Nam
 qui Pius est, Deo reddit debitū,
 adeoq; iustus est & vir bonus, vn-
 de aliorum erga illum existit A-
 mor: & cum Deus sit iustus, abes-
 se nō potest, quin Principem sui
 amantem & reuerentē redamet,

& aduersus inimicos tueatur, ut de eum ab hominibus respectari colique contingit. Sic, inquam, & Theologus, & Politic^{us} de Pietatis utilitate præcipere, non alter alterius fines debet inuadere, nisi suspicionem mouere velint, se cum Rationem nobis à Deo datam, tum rationis Artē diuino beneficio à Philosophis inuentam & traditam nihili facere, eaque inuita nullo discrimine quiduis quouis loco inculcare velle. Quis dubitet, quin Morborum omnium causa sint peccata? Neq; tamen Medicus ἀπειθεύσας, imò stoliditatis iustā effugerit reprehensionē, si de causis Febriū disputans peccati Originalis & Actualis mētionem inferat, eumque qui morbis carere velit, peccata fugere iubeat. Vt enim verissima sit eius disputatio, neque non multiplicē hominibus afferre possit utilitatē, tamen quoniam ἀνεπίεικτος, nō suā, aut propriam, sed alienam & heterogeneam esse constat, ea super-

persedere, nec in alterius artis
fines innadere debuir. Similiter
igitur Politicus Pædiæ legibus
parere, eaque quæ alterius sunt
generis, quamuis verissima sint
& utilissima, ab Acroasi sua sub-
mouere debet. Cetera Pædiæ ip-
sius nostræ lectio aperiet. Vale.



GASPARIS SCIOPPII

PAEDIA POLITICES, seu suppetiæ Logicæ.

Politico-
rum mul-
torū im-
probitas



Vm sine controuersia in-
gens sit plerorumq; im-
probitas & impietas, qui
hodie Politici perhiben-
tur, in primisq; eorum, qui à regi-
bus ac principibus singularis pruden-
tiæ opiinonem consecuti consuli ac
sentētias rogari solent (horum enim
consilijs, si verum quærimus, nullo iu-
sti iniustique discrimine res geri, reli-
gionem, fidem, iustitiā proprio emo-
lumento posteriora duci, orbem Chri-
stianum dissidijs, turbis, ac bellis in-
festari, non dubium denique exitiū
regnis ac prouincijs comparari faten-

Iniqua dum est) nullo tamen genere minor
multorū complurium videtur iniquitas &
de Politi acerbitas, qui de optimo quoque &
eisdōcto perfectissimo artis Politicæ doctore
ribus iu- faciunt iudicia. Cum enim Politica
dicia. in tradendis ijs tota occupetur, quæ
vtilia

utilia sunt condendo & conseruando imperio aut Statui publico, vix utilitatē commemorare scriptor Politicus potest, quin nullam iusti & honesti rationem ducere ab istius notæ censoribus existimetur. Vt autem alias, Iniquitas eius
 similiter hic, tantæ iniustitiæ fons & origo est Imperitia. Nam vt ait causa imperitia.
 Comicus:

Hō imperito nūquā quicquā iniustus.

Qui nisi qđ ipse facit, nihil rectū putat.

Imperitiæ porro causa est, quod Logicam non satis didice re, quæ rationis ars est, adeoque in iudicio de subiectis artium & disciplinarum forte allucinantur, hoc est, ratione in re maxima momenti sine vitio uti nequeunt. Quamuis autem hoc in primis παράδοξον, & incredibile visum iri sciam de hominibus, qui non modo se curriculum Philosophiæ confecisse, sed etiam artem Logicam non minus, quam cæteras Philosophiæ Multi Logica doctores vsum eius artis ignorant.

partes, alijs præcipere posse gloriantur, non tamen vereor, ne fidē apud eos non inueniam, qui suis ponderibus res examinare sciunt, neque sibi iudicium aliena auctoritate extorqueri patiuntur. Vt autē res tota fiat planissima, distinctius de natura Logicæ quædam monebo, tum quam longe

ge ab eius præceptis recedant, qui notionem censoriam tam acerbè in Politicis scriptis exercent, quam potero breuissime demonstrabo.

Logicæ igitur, quemadmodum & reliquarum artium perfectio in quatuor rebus spectatur, quæ sunt Finis, Materia (aliter subiectum, siue obiectum) Officium, & Instrumenta.

Finis est extremum illud, ad quod om-

Logicæ finis. nia præcepta referuntur, cum ipsum alio non referatur, quod in Logica est *Differere*, ex quo, *Ars differendi* definitur, id est, ratione tractandæ cuiusvis rei propositæ.

Obiectum internum. internum siue artis, vel externum siue artificis. Internum sunt præcepta, quæ in arte traduntur, vt in Logica inueniendi ac disponendi præcepta.

Obiectum externum. Externum est, in quo cognito artis præcepta exercentur, siue ad rem conferuntur, aut ad vsum applicantur.

Tale Logicæ Obiectum est *Quæstio* aut *Thema*, siue id, de quo agitur, aut res ad differendum aut tractandum proposita, eaque vel simplex, vel composita aut coniuncta, ex subiecto nimirum, & attributo cõstans.

Officiu. *Officium* est opus extremum, quod ab artifice præstari oportet, vt sine proposito potiat. Sic in arte Logica officium est diri-

dirigere & rectificare mentis actio-
 nes siue operationes, ne quid, dum ra-
 tione utimur, vitij faciamus. Artes Ars iuua-
 enim iuuandæ naturę inuentę sunt, dæ natu-
 vt nimirum caueantur vitia, quæ ab ræ inuen-
 ijs admitti obseruatum est, qui natu- ta.
 ralem modò artis vsum habent, sicut
 ijs, qui nullis logicæ præceptis instru-
 cti de rebus differunt, vfu venire ap-
 paret, vt allucinentur ac velut ratio-
 nis solęcismum faciant, siue illi sim-
 plicia apprehendant, siue compo-
 nant aut diuidant, siue denique argu-
 mententur, aut inuēta ordinēt. nam
 quicquid mens agit, istorum aliquid Actiões
 sit oportet. Sicut autem sermonis vi- mētis si-
 tia, quę puritati aduersantur, sunt ue ratio-
 omnino quinque, Barbarissimus, Solæ nis.
 cismus, Noxiatio, Peregrinitas, & Ar- Vitia ser-
 chaismus, siue obsoleti verbi vſus: si- monis.
 militer Rationis in vniuersum quin-
 que numerantur vitia, Obscurum,
 Ambiguum, Falsum, Inconsequens, Vitia ra-
 & Alienum. Nam quicquid ad tra- tionis.
 ctandum de re proposita affertur, aut
 explicationis, aut demōstrationis gra-
 tia adhibetur, ex quo argumentum Vſus ar-
 vel *Exegeticum* siue explicās, vel *Apo-* gumenti
dicticum, siue probans, existit. *Expli-* Logici
care est quęstionis seu rei propositę duplex.
 naturam declarare per definitionē, re- Explica-
 di-

distributionē, causas, effecta, subiecta, adiuncta, totū, partes, paria, similia, cōnexa, maiora, minora, dissimilia, antecedentia, consequentia, contraria, relata, quęque istis subiiciuntur. *Probare* est aliquid medium afferre, cuius vi prædicatum de subiecto rectē affirmetur aut negetur. Nisi autem intelligatur quod offertur, nec ad probandum, nec ad explicandum erit idoneum. Obscuritas porro causa est, ut planē non intelligatur, Ambiguitas vero, ut aliter, atque oportet, intelligatur, Probando vero ineptum est, si sit vel falsum, vel inconsequens: quorum illud in compositione & diuisione, siue in enuntiatione, hoc autem in argumentatione spectatur. Quod denique Alienum est, nec explicatio-
 ni, nec probationi est accomodatum.
genere. Potest autem dupliciter alienum considerari. Nam aut est prorsus heterogeneū, seu diuersi generis, ut cū q̄s in physicis argumenta affert mathematica, & in politicis, aut medicis theologica, quod vulgo vocant, *De genere in genus transire*: aut cum sit eiusdem quidem generis, & rem propositam explicandi aut probandi vim habeat, tamen prius aut posterius, non præfenti loco afferri debet. Nam metho-
 dus

Probare

**Alienū
duplex.**

**Alienū
loco.**

dus doctrinæ siue artis suo quidque
 loco collocare iubet, vt vitetur confu-
 sio, qua veritatis cognitio impedi-
 tur. Ista igitur rationis sunt vitia, quæ
 ars logica corrigere vel cauere docet,
 obscuris illustrâdis, ambiguis distin-
 guendis, falsis refellendis, inconsequē-
 tibus enervâdis, & alienis excluden-
 dis: cui cōsequēs est, vt qui in quacū-
 que disputatione afferri aliena postu-
 lat (qd faciunt qui scriptores Metho-
 di legibus seruientes, & aliena circū-
 scribentes reprehendere non dubi-
 tant) eos ratione non satis sincerè vti,
 ac propterea in schola Logica merito
 vapulare fateamur.

Logica
 docet
 corrige-
 re vitia
 rationis.

Postremo instrumēta artis ea sūt,
 quorum adiumento, siue ope, præstat
 artifex, quæ sui sunt officij. Et logicę
 quidem instrumenta sunt *Inuentio* &
Dispositio, sicut Rhetoricæ propria
Elocutio, & *Actio*. Inuentio est ratio
 excogitandi argumenti ad quæstio-
 nem tractandam, id est, vel explican-
 dam, vel probandam. Dispositio verò
 est apta inuentorum collocatio, cuius
 tres sunt species, Enunciatio, siue
 Axioma, Argumentatio, & Metho-
 dus. Cum enim argumentum expli-
 cās collocatur cum quæstione, vel the-
 mate simplici, vocatur *Enunciatio*,

Instru-
 mēta Lo-
 gicæ.
 Inuētio :

Disposi-
tio.

Enūcia-
tio.

aut



Enuncia-
tio.

aut *Propositio*, in qua thema simplex est id, de quo argumentum dicitur, argumentum uero explicans est id, quod de themate dicitur, ut si dicam, *Virtus est habitus: Virtus*, est quaestio, siue thema simplex, *Habitus* est argumentum explicans. Cum uero argumentum probans collocatur cum themate coniuncto, dicitur *Argumentatio*, ut si dicam, *Virtus est Habitus, cum crebris actionibus acquiratur*. Cum denique certa ratione alia argumenta & argumentationes priore, alia po-

Argumē-
tatio.

steriore loco collocantur, dicitur *Methodus*. Verbi gratia. Inueni Virtutis definitionem, diuisionem, causas, effecta, subiecta, adiuncta, partes, consentanea, dissentanea, sed aliud horū prius, aliud posterius colloco, quoniā eius rei certas habeo causas, nimirum aut ueritatem, ut natura thematis, id

Metho-
dus.

Est vel est, uirtutis rectē cognoscatur (quæ doctrinæ *Methodus doctrina* uocatur) aut per-
Vel Pru-
dentia. sonas, tempora, loca, aliasque rerum appendices, siue attributiones, aut circumstantias, quæ iam *Prudentia* est *Methodus*.

Videamus nunc, in quibus artis politicae constet perfectio, ut de iudicio istorum, qui tam inclementer de scriptoribus politicis statuunt, id quod

dixi

dixi fiat perspicuum.

Finis ergo Politices est Beatitudo, seu felicitas ciuilis, quæ *αὐταρκεία* de- Finis Po-
finitur, id est, copia rerum omnium litices.
ad viuendum commodè & ex senten-
tia necessariarū, nam hæc res est, quæ
homines impellit, vt in societate ve-
lint viuere, quoniā mutuis iuuamur
officijs, nec quisquam inuenitur, qui
sol⁹ sibi præstare possit, quæ vitæ vsus
requirit. Materia subiecta, vel obie- Obiectū
ctum huius artis est Status, aut Re- Politic.
spública. Officium, partim condere Officiū:
aut instituere, partim conseruare, &
corrigere rempublicam. Instrumen-
ta sunt, vtilia & noxiā publicè. nam Instru-
conditurus aut conseruaturus rem- menta
publicam, necesse habet effugere, quæ
statui nocent, præstare verò, quæ sta-
tui conducunt, vt fiat quod vniuersè
Spiritus Sāctus monet: *Qui vult dies
videre bonos* (siue, cui velut finis pro-
posita est felicitas) *declinet a malo, &
faciat bonum.*

Dupliciter igitur errant isti Politi Iniqui
corum censores, cum quod in arte no politico
hnt tractari, quæ sunt *οἰκεία* siue ar- rū censo-
tis propria, tum quod postulant ea- res dupli-
tradi, quæ sunt aliena. De priori hinc citer pec-
existimari poterit. Proprium artis cant.
esse obiectum, siue, obiecti tractatio-
nem

Nolunt
tractari
artis pro
pria.

Eorū er-
rorē Ari-
stoteles,
& D.Th.
confutāt
argumē-
tis.

nem ad artem pertinere, nemo nisi
palam insanus negauerit. Respubli-
cæ igitur eiusque formæ omnes, siue
species, quæ politicæ obiectum sunt,
à politico tractari debent, ita vt præ-
cipiat, quæ cuique formæ sint vtilia,
& noxia, siue quæ sint causæ, siue modi
instituendi, conseruandi, & euerten-
di singulas reipub. species. At enim
isti vitiosas reipub. formas, præcipuè
verò tyrannidem, ab arte exclusam
volunt, quod tyrannidis condendæ
aut conseruandæ præcepta tradi pia-
culare censeant. In quo quantum eos
ratio fugiat, non modo disputatio,
sed & exemplū Aristotelis ac D. Tho-
mæ luculentè demonstrauerit. Quod
ad disputationem eorum attinet, de
& D.Th. politicæ subiecto cum absolutè, tum
comparatè agunt. *Absolutè* quidem,
dum demonstrant, Politici esse, non
tantum de optima, sed etiam de qua-
licunque reipub. forma, quāuis dete-
riori & vitiosa, præcipere. *Comparatè*
autem, dum politico plus de vitio-
sis, quam de rectis & laudabilibus rei
publ. formis, laborandum esse affir-
mant: quod nihil est aliud dicere,
quam tyrannidem cæterasque vitio-
sas formas esse artis politicæ obie-
ctum, & quidem magis proprium,
quam

quam Regnum aliasque rectas, & laudabiles formas. De priore inueniet Lector principio quarti Politico rū accuratam Aristotelis, & D. Thomæ in eius libri commentario disputationem, qua quod veri Politici munus & officium sit, quamque partem Plato illud custodierit, operose demonstrant. Quatuor porro partibus id describunt, quarum *Prima* est nosse, quæ reipub. forma sit absolute ac simpliciter optima, maximèq. optabilis: *Alter*a nosse, quæ sit optima pro conditione rerum copiarumque præsentium, nam quorundam populorum ingenia ad optimam illam minime sunt accommodata, sicut Asiaticos Agefilaus in seruitute bonos, in libertate pessimos esse aiebat: apud alios verò rerum ad commodè felicitæque viuendum necessariorum inopia optimā rempub. quæ αὐτάρκεια, id est, rerum illarum copiam requirit, institui non patitur. *Tertia* pars est, nosse reipub. quamcumq. sibi oblata corrigere ad salutem, & conseruare, quod genus Aristoteles rempub. ex hypothesis vocat. *Postrema* nosse quæ forma reipub. sit maximè communis, & plerisque hominibus accommodata. Ratio huius sententiæ hæc

Quid de
beat sci-
re & do-
cere Po-
liticus.

1.

2.

3.

4.

ab illis affertur, quoniam omnes artes, quæ de genere aliquo tractant, omnes etiam eius generis species explicare debent, quod Inductionem nullarum artium probant, ex quibus est Medicina. nã Medicus cum circa valetudinem, quæ Genus, est occupatur, non vnam modo, sed omnes valetudinis species tractare, adeoque non modò, quæ optima sit valetudo aut corporis cõstitutio, sed etiam quæ minus firma, quæque deterrima, quæcumq; denique ipsi offeratur, eam nosse, & restituere ac conseruare debet. Atqui Politica est Ars, quæ de genere tractat, nimirum de Repub. Ita quæ omnes reipub. species explicare debet, non modò eam, quæ simpliciter sit optima (quæ nunquam fortasse nec fuit, nec erit) sed etiam quæ pro conditione rerum sit optima, & quæcumque tandem ipsi offeratur, scire debet, quomodo ea instituta fuerit, quibusque modis corrigi & conseruari possit. Itaque Platonem errasse, nec politici munere satis functum insimulant, qui tantum de optimo reipub. statu præceperit: nullum enim eius doctrinæ vsum esse, quod conditio rerum humanarum non fecit, vt optima reipub. vrantur: Politicus

cus vero precipere debeat ea, quæ ho-
minibus vtilitatem afferant. Verba
Aristotelis in Platonem sunt: *Etiamsi* Aristote-
cetera præclare dicat, à rebus tamen vi- les, & D.
libus aberrat. non enim videnda est Tho. iu-
optima tantum reipub. forma, sed etiam bêt Poli-
ea, quæ potest esse. Et infra: Oportet poli- tici tra-
ticum etiam ijs, quæ in usu sunt, rebus pu dere mo-
blicis mederi & opitulari posse. Sed quo dos con-
niam multi D. Thomæ verba audire vitiosas
malunt, eorum partem appingemus. respub.
Politicus (inquit) debet considerare po-
litiam optimam simpliciter & optimā,
ex suppositione, & quæ pluribus ciuita-
tibus congruit. Sicut Medicus non solum
considerat sanitatem simpliciter, sed sa-
nitatem, quæ competit isti. In hoc autem
multi loquentium de Politia defecerunt.
Et si in aliquibus dicunt benè, tamen in
ijs Politijs, quæ non quidem sunt optima,
oportuna tamen aliquibus ciuitatibus,
defecerunt. Quia Politicus non solum
debet considerare Politiam simpliciter
optimam, sed etiam optimam ex supposi-
tione, & eam quæ cuique congruit, & quæ
possibilis est. Similiter debet Politicus
considerare politicam faciliorem, & com-
munio rem omnibus. Isti autem solum de
optima politia determinauerunt, quæ
multis indiget, ad quam pauci perungere
possunt. Et ideo solum de illa, quæ vix,

aut nunquam esse potest, consideraue-
runt. Et ideo manifestum est, quod erra-
uerant.

Iam quod vitiosas & imperfectas
reipub. formas plus, quam rectas, ad
Politici curam pertinere docuerint,
hic Aristotelis locus 6. Polit. 6. argu-
mento esse potest. Ea (inquit) Oligar-
chia, quæ Tyrannidi simillima, ut ne-
quissima est, ita maiorem curam & cau-
tionem desiderat. Quemadmodum enim
corpora bene constituta, & ad bonam
valetudinem probe conformata, simili-
ter autem & nauigia ad navigationem
oportuna, bonisque nautis instructa, plu-
ra incommoda sine læsione vel interitu
sustinent: corpora vero morboſa, ac na-
uigia fatiſcentia malisq. instructa nau-
tis, ne parua quidem incommoda ferre
possunt, ita & pessima quæque reipub. for-
ma plurimam cautionem desiderat.

Porro D. Thomæ in huius Aristote-
lij loci explanatione verba sunt:

Sicut corpora animalium, quæ bene
disposita sunt ad sanitatem, propter bonā
ad inuicem primorum compositionem,
vel proportionem: & naues, quæ bene
compaginatae sunt in ordine ad naviga-
tionem, possunt sustinere plures errores,
ut puta ictus, vel passiones ab extrinse-
cis, ita ut non facile corrumpantur pro-
pter

pter illa: Illa autem corpora animalium, quæ malè disposita sunt propter malam dispositionem humorum: & naues non bene compaginatae, sed quasi resolutæ, habentes prauos nautas, non possunt sustinere etiam modicos errores: imo corpora animalium talium à modicis passionibus corrumpuntur, naues verò huiusmodi ad modicum impulsu venti vel undæ, vel adiectum rupis franguntur. Ita est de rebus publicis. Illæ, quæ optimè ordinatæ sunt secundum rationem, multos impulsus & magnos sustinere possunt: Malè autem ordinatæ, à modicis corrumpuntur, & ideo maiori indigent cautela.

Quam denique exemplo etiam suo Aristoteles & D. Thomas hanc suam de Politicæ subiecto doctrinam stabilierint, nemini qui librum quintum Politicorum, in eumq. D. Thomæ commentarium legerit, obscurum esse potest. Ibi enim de vitiosis reipub. formis, earumque conseruandi modis, accuratissimè præcipitur, & capite quidem vndecimo de modis conseruandi Regni, seu boni Principatus, paucis verbis disputationem absoluunt, sed in præscribendis modis, quibus Tyrannis conseruari debeat, longè sunt copiosissimi, ita vt si quis versus numeret, quos in docen-

Ijdē exē
plū præ-
iuerunt
Politici

da vtriusque formę conseruatione expleuerunt, duodecies tantum, & eo plus, Tyrannidi, quam Regno, ab eis impensum esse comperiat.

Et adhuc quidem satis planum fe-

Iniqui cisse videor, eos, qui tam iniqui sunt Politico scriptorum Politicorum iudices, con-
rū censo tra quam Ratio ac Methodi leges fe-
res volūt runt, in arte Politica ea, quę artis
ab ijs tra propria sunt, tradi nolle: reliquum
ctari A- est, vt eosdem *ἀλλότρια*, siue Aliena
liena. tractari velle, similiter demonstrem.

Cum igitur supra, aliud genere, aliud loco Alienum esse, ostenderim, quorum illud semper methodo artis ac doctrinę, alterum etiam Prudentię methodo aduersatur, vtriusque generis Alienum ab istis requiri videmus. Primum enim hoc nomine Politicos scriptores grauitur accu-
sant, quod non occupentur in describenda Tyrannidis sceditate seu turpitudine, vt ab ea vel occupanda, vel retinenda hominum animos deterreant. Hoc autem à Schola politica alienissimum esse, & ad Ethicam vel Moralem pertinere, etsi nemini verē Philosopho potest esse dubium, tamen propter alios, quibus disciplinarum fines non equē noti sunt, distinctius probare volo.

Vituperare Tyrannidē pertinet ad Scholam Ethicam.

Ethi-

Ethica seu moralis philosophia ,
 quæ ars bene viuendi definitur , par- Ethicæ
defini-
tio ac di-
uisio.
 tim Regularis est , partim Exempla-
 ris , & illa quidem vel Dogmatica ,
 vel Parænetica seu Pædagogica : hæc
 autem vel Characteristica , vel Histo-
 rica , vel Fabularis . Non minus enim
 quam ceteræ artes , Moralis partim
 regulis , partim exemplis docetur .
 Regulæ vero sunt vel generales , vel
 speciales . Illæ dogmata seu decreta ,
 hæc præcepta vocantur vel Paræne-
 ses aut cohortationes . Decreta
 Decreta sunt
 generales sententiæ , quæ non ad cer-
 tam aliquam , sed ad omnem vitæ
 partem diriguntur , & vniuersè homi-
 nis animum informant , ac partim in-
 tradendo fine hominis , seu summo
 bono , partim in ijs , quorum adiu-
 mento finem consequimur , in eorum
 que contrarijs occupantur : cuius ge-
 neris sunt quæ docent , quid sit felici-
 tas hominis , quid miseria , quid bo-
 num , quid malum , quid virtus , quid
 vitium , quot sint virtutes , separatæ ne
 sint , an connexæ , vt qui vnâ ha-
 beat , & cæteras habeat . Atque hoc
 ferè librorum Moralium Aristotelis
 argumentum est . *Præcepta* , singulis
 vitæ partibus inserviunt , & cū Actio-
 nes hominis , quæ *Officia* vocantur , Præcep-
ta.

secundum temporum ac locorum varietatem ordinant ac disponunt, tū Passiones, siue affectus, aut Perturbationes moderari, & vel excludere vel corrigere docent. Ex hac nota sunt, quid facere debeat, qui vitam beatā traducere, qui metu vacare, qui cupiditate, spe, amore, invidia omninoque ijs, quę mala sunt, animum liberare velit: quid pater filio, filius patri, vir vxori, vxor viro, seruus domino, dominus seruo, amicus amico, ciuis ciui præstare debeat. Atque hæc Philosophiæ Moralis pars à Cicero-
 ne in libris de Officijs & Tusculanarum disputationum vberri-
 me pertrahitur, quorum illi regulas Actionū tradunt, hi verò passionum siue Affectuum regimen, id est, quomodo vitiosos animi affectus medicari vel moderari oporteat: quod quidem *Internum officium* distinctionis gratia vocare possumus, sicut *Externum* illud, quod Deum & homines spectat. Libri vero de Finibus bonorum & malorum sunt Dogmatici, & intradendis Decretis occupantur. Plutarchi etiam Moralia opuscula maximā partem præceptis vitam hominis ordinant, quemadmodum, & Theognidis, Phocylidis, quæque Pythagoræ

ræ vocantur aurea carmina, & Disticha Catonis nomen præferentia. Seneca Philosophus etiam ipse Præceptiuam Moralis partem potissimum coluit, planeque in ea regnat, cui proximus est Epictetus Stoicus. Cum autem officium sit vel perfectum quod κατὰ φύσιν vocant, vel Medium, quod κατὰ νόον perhibetur, quorum illud est actio vel constituens Heroicam virtutem, vel ab ea proficiens, hoc autem in communi ac velut ordinaria hominum virtute spectatur: apud Gentiles à Christiana doctrina remotos (Epicteto & Seneca exceptis) vix ullam perfecti officij regulam inuenieris. Itaque si quis virtutis perfectionem adamet, sacrarum litterarum ac librorum vere κατὰ φύσιν καὶ κατὰ νόον lectioni dedere se necesse habet, qui à Theologis practicis, quorum alij *Cassidæ*, alij *Spirituales* vulgò dicuntur, magno numero sunt editi.

Exemplaris seu Paradigmatica philosophiæ moralis pars faciendorum fugiendorumque exempla suppeditat. nec enim tantum quomodo quidque faciendum, sed etiam quomodo non faciendum sit, exemplo rectissime docemur. *Tam hac cogitanda sunt exempla, quæ vites, quam illa*

Ethicæ
pars Ex-
emplaris.

contrario, qua sequaris, ait Seneca. Sic
Ismeniam clari nominis tibicinem
 Plutarchus auctor est, cum discipulis
 suis non eòs modo, qui bene, sed etià
 qui secus tibijs canerent, ostendisset,
 monere eos solitum: *Ita canendum est,*
& Ita canendum non est. Et Horatius
 1. Satyr. 4. se à patre suo proponen-
 dis virtutum ac vitiorum exemplis,
 quid in vita agenda fugere, quidque
 facere deberet, edoctum fuisse, pere-
 leganter narrat: quem quidem locū
 hūc verbis concludit:

— *anidos vicinum funas ut agros*
Exanimat, mortisq; metu sibi parcere
cogit:

Sic teneros animos aliena opprobria
sape

Absterrent virijs. — — — —

Cū autē exēpla, vel vera sint vel fi-
 cta, & Vera vel in genere oīum, vel ī
 specie huius aut illius, siue singulorū:
 eo fit, ut pars ista philosophiæ, q̄ exē-
 plis docet, sit partim Characteristica,
 partim Historica, partim Fabularis.
Characteristica est, q̄ in genere homi-
 nes virtutibus ac vitijs præditos di-
 ctis ac factis suis quotidianis velut si-
 gnis ac notis quibusdam describit,
qua res (ait Seneca) *eandem vim habet,*
quam præcipere. Nam qui præcipit, dicit:

Illa

Chara-
 cteristi-
 ca.

Illa faciēs, si voles Temperans esse :
 qui describit ait : Temperans est qui
 facit illa, qui illis abstinet. Similiter
 qui præcipit, Illa ne feceris, ait, si non
 vis esse Intemperans. Sed qui descri-
 bit : Intemperans est, qui facit illa,
 qui non abstinet ab illis. Sic Zacha-
 riæ cap. 11. qualem deceat esse bonum
 Pontificem siue Ecclesiæ Pastorem,
 Characterē seu notationē Pastoris
 stulti docemur : *Pastor stultus, siue pa-
 stor, & idolum derelinquit gregem, de-
 relicta non visitat, dispersum non quarit,
 convitum non sanat, id quod stat non
 enervit, sed carnes pinguum comedit, &
 ungulas eorum dissolvit.* Ista Chara-
 cteristica seu descriptiva docendi ra-
 tio eandem habet vim, ac si præcipe-
 retur, quid fugere Pontifex, quidque
 facere debeat. Hanc porro philoso-
 phiæ partem Theophrastus Aristote-
 lis auditor & successor peculiari libro
 complexus fuerat, cuius hodie frag-
 menta extant, quæ *Characteres morum*
 inscribuntur. *Historica* est, quæ vera
 aliorum exempla sic narrat, ut ex eo-
 rum, quæ recte, ac secus facta sunt,
 euentis, gloria puta & infamia, utili-
 tate ac damno, quid faciendum fu-
 giendumque sit, addisci queat. Nam
 qui, verbi gratia; ebrietatem Alexan-

Histori-
 ca.

dam moralem philosophiam, nō vno loco Aristoteles, Strabo, Plutarchus, ex professo autem Horatius 1. Epist. 2. vtriusque Homericī poematis exemplo declarant nam ex Iliade præcipuè militares, ex Odyssæa verò pacis artes haurire licet. Scenica, præcipuèque Comica, nihil aliud, quam vitæ imaginem velut in speculo exhibet, in quod insipientes discere queant, sibi quid ex vñ sit: sicut ex diuerso Tragedia Regum Principumq; actiones & affectus ordinat, adeoque ineptè & intempestiuè populo spectante agitur. Mythologia denique siue Apologi & Fabulæ Æsopica quid facere priuatim ac publicè, quidq; caue re conueniat, ad popularem captum, accommodatissimè, minimaq; cum cuiusquam offensa & inuidia præmōstrant.

Ex his facilè est intellectu, quā sit Ethicæ proprium, & à Politica alienum, quod Censores isti à Politicis Imperi tractari postulant. Nam deterrere ti Politi- hominum animos ab affectanda vel corū cen- tuenda Tyrannide, ad partem Eth- fores E- ticæ Paræneticam seu Præceptiuā perti- thica po- ner, Tyrannidis verò turpitudinem, stulant i- Politici- describere, ad partem Dogmaticam, cis tra- cuius est de Honesto & Turpi dispu- ctari.

tare,

tare, quæ sunt Forma, ac velut anima
 Virtutis & vitij. Cum enim, verbis
 gratia, vterque in alienanda re fami-
 liari versetur Liberalis & Prodigus,
 sicut vicissim in eadem non alienan-
 da, sed querenda aut retinenda, Fru-
 galis & Avarus: honestas & turpitu-
 do facit, vt Liberalitas sit virtus, Pro-
 digentia siue Effusio vitium, virtus et
 sit Frugalitas seu parcimonia, vitium
 vero Avaritia. Nam Liberalis alie-
 nat, quoniam honestum est alienare,
 turpe verò retinere. Prodigus con-
 tra alienat, vbi turpe est alienare, ho-
 nestum verò retinere. Ita Frugalis
 retinet, quia turpe est dare, honestum
 verò retinere: Avarus contra, seu sor-
 didus, retinet etiam vbi dare hone-
 stum est, turpe verò retinere.

Politica Neque verò quicquam momenti
 artis non habet, quod contradici ab istis po-
 est de Ty test, de Tyrannide tractare Politici
 rannidis officium esse, adeoque ab eo de Tyran-
 nidis turpitudine, velut Adiuncto,
 turpitu- agi debere. Vt enim à Methodi magi-
 dine age stris docemur, omnis questio aut di-
 re. *Met.* sputatio eius artis propria est, cuius-
9. 1. 10. fuerit Prædicatum siue Attributum,
8. 3. 10. 11. vt hæc Questio, siue *Avaritia Libe-*
10. 1. 11. *ralitati contraria*, non est Ethicæ, sed
11. 1. 12. **Dialecticæ**. nam quid sit **Contrarium**,

ex Dialectica discitur, quamuis subiecta sint Ethicæ. Docet autem Dialectica, esse contraria illa, quæ sub eodẽ genere posita plurimum dissident.

Iam vero Auaritiam Ethicus sub alio genere ponit, sub alio Liberalitatẽ. nam Liberalitas est sub habitu alienandi seu largiendi, Auaritia sub habitu non alienandi, sed acquirendi aut conseruandi. Liberalitati ergo

Auaritia
& Liberalitas
non sunt
sub eodẽ
genere.

cõtrario nomine opponitur Effusio, Auaritiæ parcimonia. Cum enim

Liberalitas & Effusio sint sub eodem genere, sub habitu nempe largiendi, plurimum inter se dissident, quoniã

Mō sunt
ergo Cō-
traria.

illa honesta est, hæc vero turpis. Similiter Auaritia & parcimonia sub eodẽ habitu nõ largiendi, sed retinendi, plurimũ inter se dissidēt. nam Parcus non dat, sed retinet, quia turpe est dare, honestum vero retinere: Auarus autem retinet, etiam vbi turpe est retinere, honestum verò largiri.

Simi-
liter
Auaritia
& parcimonia
sub eodẽ
habitu nõ
largiendi,
sed retinendi,
plurimũ
inter se
dissidēt.
nam Parcus
non dat,
sed retinet,
quia turpe
est dare,
honestum
vero retinere:
Auarus
autem retinet,
etiam vbi
turpe est
retinere,
honestum
verò largiri.

Similiter quæstio hæc, *sic ne virtus mediocritas*, siue in medio duorum viti-
tiorum posita, rectius in Logica aut
Metaphysica, quam in Ethica, tracta-
tur. Primum enim ex Metaphysicis
discimus, vnum vni tantum esse con-
trarium Aristotelis 10. Metaphys. 4.
verba sunt: *Planum est fieri non posse,*

Vnū vni tantū est cōtrariū. *ut uni plura sint contraria. Et c. proximo: Vnum vni contrarium est. Philoponus similiter 3. Physic. 3. Absurdum est, inquit, ut duo vni eidem sint contraria. Sed & prius Plato Alciadiad. 2. Duo vni rei contraria nullo modo esse possunt. Et in Protagora. Vni- cuique contrarium unum solum est con- trarium, non multa. Fortassis autem superuacuum & περιεργον fuerit sen- tentiam hanc auctoritatibus stabili- re, cum perspicue Spiritus Sanctus affirmet Ecclesiast. 33. Contra malum bonum est, & contra mortem vita: sic & contra virum iustum peccator. Et sic in- tuere in omnia opera Alissimi. Duo con- tra duo, & unum contra unum. Igitur Metaphysicæ doctrinæ consentane- um est, virtutem inter duo vitia ne- quaquam esse positam. Aliter duo ei vitia essent contraria, cum semper virtus & vitium sint contraria.*

Deinde ex Dialectica discimus, cō- traria, ut & reliqua Opposita, dici secundum idem, ad idem, & eodem tempore ac loco, cui consequens est, vitia illa, quæ vulgò defectus perhi- bentur. Virtutum, nequaquam esse Virtutibus contraria, cum secundum idem minimè dici satis constet. Exem- pli causa. Avaritia nō est defectus, ne- que

que oppositum Liberalitatis; quoniā reuera non circa idem internum seu formale, vt sic dicam, obiectum versantur; nam formale & internum Liberalitatis obiectum est alienare rem familiarem, Auaritiæ verò, non alienare, sed retinere. *Formale* voco, vt habitus istos circa rem familiarem materialiter tantum occupari significem, & formam vel formalitatem habitus ab obiecti formalitate secer-
no. Ex euentu tamen, seu per accidēs, Liberalitas & Auaritia contraria dici possunt, quoniam ipsa eorum obiecta, alienare & non alienare, inter se pugnant. Sed eodem modo per Accidens vitium in medio duarum virtutum spectatur, velut alterius nimium siue excessus, alterius parum seu defectus. Nam Auaritia inter Liberalitatem & Parcimoniam media est, & à modo quidē Liberalitatis deficit, Parcimoniæ verò modū superat. Sic Effusio in earumde Virtutum medio collocatur, velut Liberalitatis excessus, & defectus Parcimoniæ. Sed de his alias: nunc ad propositum ex diuerticulo reuerti res monet. Cū Honestū & Turpe ad Ethicā pertineāt, fateri oportet de Tyrannidis turpitudine non in Politica, sed in Ethica

Vitiū est
ī medio
duarum
virtutū.

tractari oportere, ut pareatur legibus, quas Methodus artis ac doctrinae praescribit.

Reliquum est, ut de Prudentiae Methodo videamus, cui non tam veritas, quam certa quaedam hominum utilitas, est proposita. Hanc ultro facis, ut non modo permittere, sed etiam exigere, ut in Politica tradenda etiam Politicū deformitas seu turpitudine Tyranni agere iudis describatur, ad eamque auersandam verba conferantur. Cum enim rerum hominumque usus combro-

bet, eam in animis plerorumque prauitatem esse, ut cum quid ad illud consequendum, quod alioquin eis allu-
bescit, utile esse audiunt, clausis oculis, omni-que impetu illuc ferantur: prudentis Politici est providere, ne quid ex doctrina sua, quamuis vera, homines tam corrupti & ad nequitiam prони, detrimenti capiant. nam sine controuersia omnis Politici disputatio non alio consilio veritatem exponit, quam ut multum inde utilitatis ad alios redeat. Ut enim praedixi, Politicæ artis finis est publica felicitas. A publica verò felicitate alienissimum videtur ea præcipere, quæ neque eorum, qui imperant, gloria, neque subiectorum utilitati-
bus

bus conducant: quod ij facere existi-
mantur, qui Tyrannidis condendæ
& conseruandæ vias ac modos subti-
liter exsequuntur. nam neq; felix ef-
se potest, qui Tyrannidē tenet(quip-
pe qui vi aut dolo vtatur, & in perpe-
tuo metu viuere necesse habeat) ne-
que qui sub Tyrannide viuunt, cum
vix vnquam eis desit, quod dole-
ant aut formident. Si taen verum
quarimus ac subtilius rem totam li-
mamus, longè ratio eos fugit, qui di-
sputationem de Tyrannidis conser-
uandę modis neque ad Tyranni, ne-
que ad subiectorum vtilitatem quic-
quam momenti facere persuasum ha-
bent. Cum enim duos Politici mo-
dos tradant, quibus imperium con-
seruare Tyrannus possit, quorum
priorem D. Thomas *Intensionem* vo-
cat, cum videlicet Tyrannis inten-
ditur & augetur, ita vt nihil sœuitiæ
& asperitatis in ea fiat reliquum, al-
terum *Remissionem*, cum remittitur,
& humanitate clementiaque miti-
gatur: neutrius modi tractatio sin-
gulari fructu publico caret. nā prio-
ris modi tractatio Tyrannidem im-
pedit, alterius verò emendat & to-
lerabiliorem reddit. Nec enim est
dubium, impediendæ Tyrannidis

Tyranni
dis cōser
uandę mo
dos tra-
dere ex-
pedit.

Nam uel
impedit
Tyrānis,
uel emē-
datur.

vim

vim habere, quicquid nō modo nihil Tyranno suppeditat, quod ei ad votorū summam sit vsui, sed alijs etiā simul cū Tyrannidis odio notitiam artium Tyrannicarum instillat, vt in seruitutē à Tyranno redigi nec velint, nec

Intensio
Tyranni;
dis parti
net ad
impediē
dum.

facile possint. Talia porrò sunt, quæ Politici de augenda siue intendenda Tyrannide præcipiunt: nam partim vim siue crudelitatem, partim Fraudem & perfidiam præmonstrant nullo cuiusquam Tyranni vsu. nam qui Tyrannidem concupiscit, ei sua sponte nemine monente eadem in mentē veniunt. cuius rei argumēto est, quod plerique Tyrannorum fuere à litteris remotissimi, neque eos Politicorū lectio, sed improba regnandi libido modos edocuit, quibus Tyrannidem siue consequerentur, siue retinerent. Atque haud scio an vel indoctissimus maximeque barbarus Tyrannus ipsi etiam Aristoteli, Politicorū sine controuersia Principi, eam in rem præcepta dictare possit. Hoc quidem planū est, Philosophos Politicos obseruatis, quas vel viderant ipsi, vel legendo audiendoue cognouerant, Tyrannorū actionibus, suas de Tyrannidis tuendē modis regulas confecisse.

Iam eū, qui Remittendæ siue Emēdan-

dandæ Tyrannidis uiam præmōstrat, Remissio vero ad emendandum
 perspicuum est benè quidē in rē Tyrā
 ni consulere, sed multo magis subie-
 ctorū utilitatem procurare. Si enim
 Tyrannus non palā sit improbus, sed
 studio habeat dissimulare sua uitia,
 uirtutes autem simulare, & ad boni
 Principis similitudinem quam proxi-
 mē accedere, minus eū contemni, mi-
 nusque odio haberi continget. quāto
 autem minus cōtemnitur minusque
 exosus est Princeps, tanto stabilius ac
 securius est eius imperium, cum odiū
 & contemptus principes imperio-
 rum euertendi causæ sint Subditorū
 porrò longē tolerabilior est conditio,
 si pareant principi, qui caueat uideri
 improbus, studeat autē uideri bonus,
 quā si sub eius ditione sint, qui se sce- Prudenter faciunt Poli-
tici, qui Tyranni-
dis conser-
uandos
tradunt.
Modo ca-
ueant, ne
oratio
sua sit
Lubrica.
 leratū existimari nihili faciat. Sic ap-
 paret, ne Prudētia quidem Methodo
 alienam in Politicis iudicari posse
 præceptionem de modis, quibus Ty-
 rannis, similiter autem & reliquæ ui-
 riosæ rerum publicarum formæ cōser-
 uari possint, cum tantum inde utili-
 tatis humano generi ostendatur.
 Nihilominus reprehensioni locū
 esse fateor, si non cauit Politicus, ne
 oratio sua esset Lubrica, hoc est, eius
 notæ ut ex ea facilis in errorem,

aut

Alia scri-
ptoris, a-
lia lecto-
ris vitio
sunt lu-
brica.

aut falsam opinionem lapsus sit, ac iudicium de faciendis fugiendisque deprauetur. Nam à Deo maledictus est, *qui ponit offendiculum caco*: multo igitur magis, qui præceptis suis efficit, ut homines imperiti in errorem incidant, seque rectè facere ac laudè mereri censeant, si modis illis utantur, quibus Tyrannidem cæterasque vitiosas imperiorum formas stabiliri audiūt. Verum distinguere oportet lubrica vitio scriptoris, ab ijs, quæ culpa lectoris sunt lubrica. Vsu enim venire potest, ut quæ Politicus dextera præbet, sinistra lector accipiat, & ex benè dictis corruptelam hauriat, quoniam videlicet aut oscitat aliasque res agit, nec condignam tantis rebus diligentiam adhibet, aut ad Politicam acroasin malitiam, in primisque regnandi libidinem domo secum attulit, statimque ea arripit, quæ cupiditati suæ habenas laxare existimat. Sed propter huius generis lubrica nullo iure Politicus reprehenditur, cum neque Spiritus Sancti doctrina, sacrarum volumine literarū comprehensa, non possit ab ijs, qui iā animo corrupti sunt, ad comprobandas impias sententias torqueri. Testatur hoc S. Petrus in verbis istis :

Fra-

Frater noster Paulus secundum datam sibi sapientiam scripsit epistolas, in quibus sunt quedam difficultates intellectu, quae indocti, & instabiles depravant, sicut & ceteras scripturas ad suam ipsorum perditionem. Vos igitur custodite, ne insipientium errore traducti excidatis à propria firmitate. Si quis iam S. Paulum reprehenderet, quod cum esset debitor factus non solum sapientibus, sed etiam insipientibus, non ita scripserit, ut ne insipientes in verbis eius intelligendis errare, & alios minus cautos in erroris societatem abducere possent: ei rectè responderetur, S. Paulum satis cauissè corruptelam, & insipientibus consuluisse, cum digitum illuc eis intendit, unde veram verborum suorum sententiam discere queant, nimirum ad Ecclesiam, eiusque legitimos pastores & doctores. Nam 1. Tim. 4. Ecclesiam vocat domum Dei, columnam & firmamentum veritatis, & Ephes. 4. docet, Christum ab adscensu suo in caelum usque ad consummationem dare Ecclesiae suae pastores & doctores in opus ministerii, ut ne simus paruuli, qui circumferamur omni vento doctrinae.

Etiā S. Pauli verba sunt lubrica vitio lecto- rum.

Sed ipse satis corruptelā cauit.

Si quis ergo iam suo more & modo Pauli verba intelligere, neque ve-
ram

ram eorum sententiam ab Ecclesię
pastoribus & doctoribus discere ue-
lit, labetur ille quidem in errorem,
sed sua, non Pauli culpa. non enim
Paulus offendiculum cęco posuit, cum
obscurius scripsit, sed superbi isti de
industria oculos suos clauferunt, ne
uideant. suo pte igitur uitio labuntur:
neque lubrica sunt Pauli uerba, sed
ipsi superbi. Similiter nec Politicū
officio defuisse existimandum est, si
homines suo pte ingenio improbi ex
doctrina, Rationis arti, pteque
Methodi legibus consentanea, corru

Quomo pte lam hauriunt, modò ipse quod in
do Poli se est fecerit, ac nequis, nisi uolens &
ticus ca- sciens, doctrina sua deprauari possit,
ueat, ne sedulo cauerit. Cautionis autem duo
lectores summa sunt genera. Vnum est. Lo-
deprauē quendi modus nō absolutus, simplex;
tur. aut Categoricalis, sed Hypotheticus;
Primū, siue cum exceptione aut conditione.
modo lo Verbi gratia:
quēdi hy
potheti-
co.

*Tyrannus, si quouis modo imperium
retinere velit, debet interficere sapien-
tes, & magno animo pręditos.*

*Tyrannus statum suum conseruat si
mulanda autem impietate, ceterisque vi-
tijs.*

*Bonum est ad conseruandam Tyran-
nidem alere factiones & dissidia inter
ciues.*

Male

Male siue imprudēter facit Tyrānus, qui nō interficit homines nobiles & locupletes, quibus inuisum est eius imperiū.

Ista præcepta omnia sunt Hypo-thetica, & conditionem hanc siue apertam, siue occultam habent: *Si velit retinere, seu conseruare Tyrannidem.* Si quis iam eas pro Categoricalis habeat, & recte se facere statuat occidēdis sapientibus, magnanimis, locupletibus & nobilibus, simulanda religione alijsque virtutibus, alendis denique factionibus, nempe culpa vacat Politicus, qui modo loquendi hypothetico satis cauit, ne quis nisi sciēs prudens ex verbis eius in errorem præcipitare posset.

Alterum cautionis genus est suæ Deinde sententiæ explanatio, si nimirum ea interpre præstitit Politicus, ex quibus, quid re ratione uera de bene secusue factis iudicarit, propria homini non oscitanter legenti obscurum esse nequeat. Talis autem explanatio est vel directa & apertior, vel obliqua & occultior. Directa fit Directa aut *Hoc agendo*, siue ex professo, vide- interpret licet Adiunctis Tyrannidis declarā- tatio. dis, id est, fatendo eam esse turpem, iniustam, & velis remisque fugiendam: aut *aliud agendo*, id est, explicandis causis & effectis Tyrannidis,

ex quibus eam Turpem & fugiendā esse quiuis statim agnoscat. *Cause* porro Tyrannidis sunt vis & Fraus, bellua, non homine digna. nam vis Leonis est, Fraus vulpeculæ, sicut ius hominis. Effecta verò sunt infamia perpetua, odium populare, eiusq. comes metus assiduus & sollicitudo. Si ergo dicat Politicus, Tyrannum esse semi hominem & semibelluam, ex Leone puta & Vulpe compositum, & viuere in perpetuo metu, ac post obitū æternam ei paratam esse infamiam, censendus est clarè satis fateri, Turpem esse Tyrannidem meritoque fugiendam.

Obliqua interpretatio. Oblique sententiam suam explicat Politicus, si promptum habeat suum consilium, siue propositum aut intentionem, ita vt conijcere facile sit, quod eius fuerit in præcipiendo consilium, siue, quid eum, vt ista doceret, impulerit. Huiusmodi verò intentio aut Generalis est, aut Specialis. *Generalis* est operis totius scopus, siue id, quod opere toto scriptor spectauit. Hoc si honestum esse, & ad utilitatem humani generis dirigi apparet, non est vlllo modo credibile, scriptorem ea tradere voluisse, quæ iudicium principis de rectè ac malè factis

Etis deprauare queant, quod nihil ea
 re sit turpius ac magis. vtilitati publi-
 cæ repugnet. Sic apparet Generalem Specia-
 operis intentionem esse velut nor-
 mam, aut regulam, ad quam specia-
 lis intentio debeat examinari, ita vt
 qui explorato scire velit, quæ scripto-
 ris in hoc aut illo loco fuerit senten-
 tia, ad totius operis propositum respi-
 cere debeat. Illi enim consentire
 debet, quicquid quacunque operis
 eiusdem parte scriptum est. Atque
 hoc examen tum vel maximè requi-
 rit diligentiam, si scriptor sibi metum
 aliquem obstare præ se tulit, quominus
 promptum haberet, quod sentie-
 bat. Verbi gratia. Conatus Scrip-
 toris est, certum aliquem Tyrannum
 patriæ infestum describere, eoque
 pacto partim populare odium in eum
 commouere, partim artes eius dete-
 gere, quod est Tyrannidem eius im-
 pedire. Hoc autem periculo nequa-
 quam vacare intelligit. Ad hunc igitur
 modum de Tyrannide disputat,
 vt existimari possit Tyranni vtilitati
 bus seruire velle, cum ei tuendi im-
 perij rationes præmonstrat. Alicu-
 bi tamen sibi, quominus sententiam
 suam dicat apertius, periculi metum
 obstare significat. Hic oportet nos

ad id respicere, quod opere toto fuit ei propositum, & specialis huius intentionis rectitudinem ex generali conijcere. nam nisi hoc faciamus, nullo modo ne illi quidem à iustissima reprehensione abfuerint, quos Politicā rectissime ac sine omni vitio docuisse, non temere quisquam negauerit. Non longè abiero.

Aristoteles, & D. Thomas in eiusdē capituli explanatione, Th. stat⁹ cōseruādi causā docēt simulare & peiorare.

Aristoteles 5. Polit. 9. & D. Thomas in eiusdē capituli explanatione, extrema lectione septima, ubi Oligarchiæ cōseruandæ modos præcipiunt (id est, eius status, ubi pauci nobilitate & opibus excellentes ex sua libidine suæque vtilitatis causā dominantur) Sophismate Politico Oligarchas vti, ac status cōseruandi causā beneuolētiā erga plebeios simulare, eique simulationi iureiurando solennitatem facere docent. Aristotelis verba sunt:

Oportet Oligarchas videri semper plebis causam defendere, & aliter iurare, quam nunc solent. Nunc enim in quibusdam Oligarchijs, cum ad imperium admittuntur, ita iurant: Ero plebi inimicus, & quicquid mali potero, faciam. Aliqui oportet eos præ se ferre ac simulare contrarium ita conceptis verbis iurantes: Plebē non afficiā iniuria.

D.

D. Thomæ quæ sequuntur:

Si debeat saluari paucorum potentia, oportet eam videri facere pro populo, & facere OPORTET iuramenta contraria ijs, quæ faciunt. Consueverunt enim Oligarchæ, cum in principatu instituuntur, iurando dicere: Iuro, quod populum odio habebo, & consilio annitar, vt male habeat. Hoc autem non est faciendum, sed oportet opinari contrarium esse faciendum, & insinuare in iuramento oportet, quod Oligarcha non facient iniuriam populo.

Si quis nunc Aristoteli ac D. Thomæ inuidiam hinc facere conetur, qd̄ status causa simulationem ac periurium doceant, nempe ijs, quas modo exposui, rationibus omni eos culpa vacare demonstrabitur. Primum nihil contra docuerunt, quam artis ac doctrinæ Methodus postulet. nam nec falsum, nec genere aut loco alienum est, quod hic præcipiunt. Deinde etiam Prudentiæ Methodo paruerunt, cum satis cauerunt, ne quis nisi aut valde oscitans, aut ab ingenio improbus, hac eorum doctrina depruari possit.

Nec propterea possunt reprehendi.

Loquuntur enim hypotheticè.

Primum enim modus loquendi non absolutus est aut Categoricalis, sed cum conditione, apud D.

Thomam apertissimam, apud Aristotelem satis significata: *Si debeat saluari Oligarchia, oportet benevolentiam erga plebem simulare ac peierare*. Siue, quod eandem vim habet: *Simulatio benevolentia erga plebem iureiurando confirmata est causa conseruans status paucorum*. Atque hoc loco opportunè Lectorem velim monitum, vt quando-cumque effecti alicuius causa traditur, conditionem inesse meminerit. Si enim dicam, *Ortus solis, diei causa est, peccatum mortis*, non aliud au-

Causam dis, quam hypotheses istas, *Si ortus effecti a- est sol, dies est: si peccasti, morieris*. licuius Quoties igitur Politici causas siue tradere modos tradunt conseruandi status, est hypo seu boni, seu vitiosi, toties hypothe- theticè ticè loqui censendi sunt. Præterea loqui. suam Aristoteles, & D. Thomas sententiam de Oligarchiæ simulatione Ies, & D. Tho. ipsi ac periurio satis explanarunt, ita vt suâ men- si quis non oscitanter eos legat, nec re inter- sua sponte corruptus sit, nullum ei ex- pretan- hoc præcepto corruptelæ impendat tur. periculum. Nam inter vitiosas Reipubl. formas & iniustas Oligarchiâ numerant & Tyrannidi proximam faciunt, quo ipso turpem ac fugiendâ esse docent. Si quis contradicat, hoc saltem lo-

co nihil de Oligarchiæ iniustitia ac turpitudine ab eis afferri, adeoque lubricam eorum esse doctrinam: ei respondebitur, non modo Artis, sed neque Prudentiæ Methodum ea, quæ loco Aliena sunt, tolerare. nam quiduis quocunque loco dicere confusio- nem parit, idem verò sæpius iterare, tædium. Politicus, etiam cum hominum minus acriter intelligentium vtilitati præcipuè consulit, alio loco de Adiunctis, alio rursus de causis conseruantibus Oligarchiæ & Tyrānidis loquitur, eaque in re Methodi leges custodit, ne quod prius dicen- dum erat, dicat posterius, aut vice- versa: ne sæpius eadem dicendo le- ctoribus sit fastidio. Cum igitur alio loco Aristoteles & D. Thomas adiun- cta Oligarchiæ pspicuè tradiderint, hoc loco, quo causas, siue modos eius- dem conseruandæ exsequuntur, ea- dem iterare minimè debuerunt. Ex quo perspicuum fit, quod supra de- monstraturum me receperam, impe- ritos illos & iniquos Politicorū Ari- starchos cōtra Logicæ artis leges nō modo, quæ Genere, sed etiam quæ lo- co aliena sunt, à Politicis tractari vel- le. Quod si quis hoc amplius gene- ralem & specialem Aristotelis, & D.

Etiam si
alio lo-
co id fa-
ciant.

Nam Me-
thodus
suo quid
que loco
dicere
iubet.

Thomæ intentionem inspiciat, id est, si consideret, quid eis cum in toto opere Politico, tum vero in hac ipsa eius parte, qua simulationem & periurium præscribunt, fuerit propositum, nihil eos, quod ipsorum potius, quam lectorum, vitio lubricum, aut deprauando de faciendis

Genera- fugiendisque iudicio idoneum existi-
lis eorū mari debeat, præcepisse deprehen-
intentio. dit. Nam quod ad operis rotius pro-

positum attinet, eos Methodi legendo omnibus reipub. formis, earumque conseruandi rationibus præcipere,

Specia-
lis inten-
tio.

debuisset comperit, etiam de vitiosis ac deprauatis, quas non nisi vitiosis modis conseruari posse, sponte sua cuius sanus intelligit. Sin autem consilium eorum expendat, quod in hac operis parte secuti sunt, eis utilia ad conseruandam Oligarchiam, nulla honestatis ratione habita, præcipere propositum fuisse animaduertit. Atqui eam ad rem utile est simulare & falsum iurare, quod nemo nisi prorsus rerum imperitissimus negauerit. Merito igitur hunc quoque conseruandæ Oligarchiæ modum præscripserunt.

Iidē Ty-
rannidē
cōserua-
redocēt.

Non alia ratione patrociniū ijs commodari queat, quæ ijdem Aristoteles

teles

teles & D. Thomas Tyranno imperium conseruare cupienti 5. Polit. 11. præcipiunt, quorum alia sæuitiæ & inmanitatis habent plurimum, alia fraudibus & simulatione ac dissimulatione ferè absoluuntur. De priore genere hæc D. Thomæ lectione 11. verba sunt.

Ad saluationem Tyrannidis expedit excellentes in potentia vel diuitiis interficere, quia tales per potentiam, Per sum quam habent, possunt insurgere contra mā crudelitatem. Tyrannum. Iterum expedit interficere sapientes. Tales enim per sapientiam suam possunt inuenire vias ad expellendam Tyrannidem. Nec scholas, nec alias congregationes, per quas contingit vacare circa sapientiam, permittendum est. Sapientes enim ad magna inclinantur, & ideo magnanimi sunt, & tales de facili insurgunt. Ad saluandam Tyrannidem OPORTET, quod Tyrannus procuret, ut subditi imponant sibi inuicem crimina, & turbent se ipsos, ut amicus amicum, & populus contra diuites, & diuites inter se dissentiant. Sic enim minus poterunt insurgere propter eorum diuisionem. Oportet etiam subditos facere pauperes. Sic enim minus pote-

runi.

runi insurgere contra Tyrannum. Procuranda sunt vectigalia, hoc est, exactiones multe & magna. Sic enim cito poterunt depauperari subditi. Tyrannus DEBET procurare bella inter subditos, vel etiam ad extraneos, ita ut non possint vacare ad aliquid tractandum contra Tyrannum. Regnum saluatur per amicos. Tyrannus autem ad saluandam Tyrannidem non debet considerare in amicis.

Et per
mulatio
ne ac dis
simula
tionem.

Ad posteriorem modum hæc Aristotelis eodem capite verba pertinent: Tyrannus videri debet supplicia quidem animo paterno constituere, non per contumptum: adolescentum vero congressibus uti ex causa amoris, non ex imperio ac potestate. Hoc est, pueris & adolescentibus ad nefariam libidinem ita uti debet, ut illi id eum amoris, non contumeliæ causa, nec pro imperij licentia facere existiment.

Et hæc D. Thomæ lectione 12.

Expedit Tyranno ad saluandam Tyrannidem, quod non appareat subditis sauis, seu crudelis. nam si appareat sauis, reddit se odiosum. Ex hoc autem facilius insurgunt in eum. Sed debet se reddere reuerendum propter excellentiam alicuius boni excellentis. Reuerentia enim debetur bono excellenti.

Es

Et si non habeat illud bonum excellens, DEBET SIMVLARE se habere illud. Tyrannus debet se reddere talem, ut videatur subditis ipsos excellere in aliquo bono excellenti, in quo ipsi deficient, ex quo eum reuereantur. Si non habeat virtutes secundum veritatem, faciat ut opinentur ipsum habere eas. Tyrannus debet aut moderatus esse circa voluptates aut delectationes corporales, aut si non sit, tamen se debet talem exhibere, ut videatur fugere eas &c.

Ista si quis ea diligentia & integritate legat, quæ virum bonum ita docet & politica discere paratum decet, de pec-
nullum omnino periculum est, ne cant.
in errorem labatur, aut quicquam
horum, quæ præcipiuntur, sibi faciendum putet. Nam primum satis
cauent modo loquendi hypothetico, Loquun-
velut paulo prius ostendi. nec enim tur enim
aliud dicunt, quam si quis velit ser- hypothe-
uare Tyrannidem, debet aut vsque ticè.
eo scuitia in subditos grassari, vt vl-
tra nequeat, aut virtutibus simu-
landis & dissimulandis vitijs bono
principi similis effici. Dein suam
ipsi sententiam sic varijs modis ex-
planant, vt nisi quis legendi labo-
rem fugiat, aut alioquin animo ex-

Et se ipsi
satis iter
pretatur

grotet, sit extra omne depravationis
periculum. Primū enim 5. Polit. 10.
Tyrannidem subiectis populis pernicio-
sissimam esse hoc probant argu-
mento, quoniam ex pessimo tam Oli-
garchiæ, quam Democratiæ genere
sit conflata, & vtriusque vitia ac ma-
la in se contineat. Et 4. Politic. 2. hoc
afferunt argumentum quoniam opti-
mæ ac diuinissimæ Reipubl. formæ,
Regno puta, maximè aduersetur. D.
Thomas præterea hoc ipso capite
suam & Aristotelis mentem totidem
verbis interpretatur :

*Ista & similia sunt Tyrannica, &
saluant principatum. Sunt mala secun-
dum seipsa, bona tamen ad saluatio-
nem Tyrannidis. non sunt facienda
simpliciter homini, sed ei, qui volue-
rit saluare Tyrannidem, quæ secundum
se mala est. Et iterum: Quamuis
hoc (præceptum de simulanda virtu-
te quam non habet) non sit in se bonū,
ad hoc tamen bonum est, ut Tyrannus nō
sit facile contemptibilis.*

Hic satis perspicuè docet, istam
conseruandæ Tyrannidis rationem
absolutè ac per se malam, sed certo
quodam respectu bonam, hoc est,
utilem, non honestam esse. Itaque
si quis

si quis iam Princeps his D. Thomæ
 verbis ad nequitiam abducatur aut
 deprauetur, non eo contingere id di- Verba
 cendum est, quod Thomæ verba sint eorū nō
 lubrica ac legentibus periculosa, sed sunt lu-
 quoniam talis princeps animum ad brica, ni
 impietatem, voluptates, fraudes, ac si vitio
 dolos propensum domo secum ad le- lectoris.
 ctionem attulerit, & Honestate olim
 valere iussa, ad ea modo, quæ vti-
 lia videntur, toto animi impetu fe-
 ratur.

Ad hæc Generalem Aristotelis & Genera-
 D. Thomæ in toto libro Politico in- lis eorū
 tentionem esse apparet, vt Methodi intentio.
 legibus obsecuti Rempub. & omnes
 eius formas suis causis efficientibus,
 conseruantibus & euertentibus ex-
 plicent. cui proposito conueniens
 est etiam de Tyrannide disputare,
 quibusque ea modis durabilis præ-
 stari seu conseruari debeat, præci-
 pere. Specialis verò intentio est,
 tradendis Tyranno Vtilibus, vel im- Et spe-
 pedire Tyrannidem, vel emenda- cialis.
 re & tolerabiliorem reddere, quo-
 rum vtrumque cum sit ex vsu gene-
 ris humani, non modo nihil eos
 contra Artem, sed neque contra
 Prudentiam fecisse, ac propterea
 sine.

sine perspicua imperitia & iniquitate reprehendi nequaquam posse, satis iam omnibus patere arbitror.

Quo re-
prehendi
debeant
Politici
Docto-
res.

Vt autem usus eorum, quæ adhuc disputavi, multo fiat manifestior, qua Methodo ac via progredi debeat, qui Censuram in Politicis scriptis exercere velit, distinctè præmonstrabo.

Si quis ergo scriptorem Politicum reprehendere cupiat, quid is peccarit, planum facere debet. Si peccavit, aut Artis seu doctrinæ, aut Prudentiæ Methodum neglexit. nam si neutrum fecit omni culpa vacat. Vt doceas peccatum ab eo contra Methodum Artis, necesse est ut de-

Si pec-
cat cōtra
Metho-
dū artis.
Tractan-
do alie-
na gene-
re.

monstres, cum aut Aliena tractasse, aut Falsa. Si Aliena, aut ea quæ Genere, aut quæ loco Aliena sunt, tractavit. Aliena genere vel subiectæ materiæ, vel instrumentorum ratione. Subiectæ materiæ ratione aliena tractat Politicus, si verbi gra-

Ratione
obiecti.

tia Principem, ut Deum sibi reddat propitium, & æterna felicitate potiatur, verè pium ac religiosum esse, non autem pietatem & religionem præ se ferre, id est, id agere iubeat, ut qualis est, pius nimirum & religiosus, talis etiam ab alijs existimetur.

Nam

Nam hoc nihil est aliud, quam tractare de salute animæ, quomodo scilicet Princeps animam suam servare vel saluare possit. At enim anima Principis, aut salus animæ, non est subiectum Politicæ, sed Theologiæ, cum in Politica tractari debeat salus sue incolumitas status. Igitur hoc est, quod aiunt, *de genere in genus transire*. Instrumentorum ratione aliena tractat Politicus, si ea conservandi status media seu modos præscribat, quæ ex sublimiori pendent scientia, ut si dicat, Principem debere creberrimo Sacramentorum usu, & assiduis orationibus, dandisque eleemosynis Deum sibi reddere propitium: sic enim futurum, ut Deus Imperium eius prosperet. Hoc etsi salutare in primis præceptum ac Principis auribus animoque instillari dignissimum, tamen à Politica Schola alienum, tum propter arcanum Dei consilium temporalium bonorum concessionem ex usu animarum nostrarum moderantia nobis non explorato certum est. Nam istas Dei propitiandi rationes esse, ex Theologia discimus, simul autem & hoc, Deum non aliter Principis, quamvis religiosissimi, imperium

Et ratione instrumentorum

zium prosperare, nisi sic ipsius & subiectorum ad animæ salutem interese videat. Iosifæ quidem, S. Ludouico, alijsque spectatissimæ pietatis regibus non aliam ob causam parum prospere plurima euenisse scimus. Non hic nego, vtilissimè, vel dicam necessario ista Principi tamquam homini & Christiano præscribi. Itaque suo loco & tempore id fieri debet. In Theologia (quo & Catechismus, seu doctrinæ Christianæ institutio pertinet) & in Morali Philosophia similia præcipi debent, non in Politica, nisi contra quam ratio à Deo nobis data dicitur, scientiarum artiumque fines tollere, & apêdeusæ, confusions, tandemque obscuritati & ignorantie munire viam velimus. Si quis autem dicat Politicus, Principem debere vsu sacramentorum, orationibus, & similibus pietatis exercitijs religionis famam & opinionem sibi parare, nequaquam aliena docet. nam opinio seu fama pietatis conseruat imperium, sicut pietas seruat animam, ac propterea sicut in acroasi Theologica Princeps, vt animam seruet, iubetur esse verè pius, item in Politica schola, vt statum seruet, docetur existimari pius.

Nobis necessaria est vita nostra, alijs fama nostra, ait S. Augustinus. Nam pietatis opinio amorem & reuerentiam Principi conciliat, quæ primariæ cōseruandi status causæ sunt, nam libenter ei homines parent, quem amant ac reuerentur.

Aliena loco tractauit Politicus, si aut eadem sæpius, aut quæ prius dicere debuerat, dicat posterius, aut vicissim Reprehensionem igitur meretur, si cum prius dixisset, Tyrannidē esse turpem ac fugiendam, idem postea inculcet, quando nō iam de Adiūctis Tyrannidis, sed de causis conseruantibus disputationem instituit.

Falsa dixisse demonstrabitur, si veri bigratia inter status conseruādi causas ea præcipit, quæ statum mutant siue perdunt. nam cum status forma mutatur, quod fuerat status, esse definit. Ita Religio ac verę virtutes non conseruant, sed perdunt siue euertunt Tyrannidem. nam si Tyrannus incipiat esse vir verē bonus, iustus ac pius, definit esse Tyrannus, & vel in priuatorum ordinem transit, vel in bonum Principem mutatur. Ineptum igitur est & imperiti iudicis, Politicum

Peccant etiā contra Methodum artis tractantes aliena locos.

Et falsa affirmando.

repre-

reprehendere, quod Tyrāno imperiū
 conseruare cupienti non veram pie-
 tatem ac virtutem, sed simulationem
 pietatis & virtutis præscripserit. Falsi
 etiam Politicus accusabitur, si aut bo-
 num Principatum reprehendit, aut
 vitiosum & iniustum laudauit, quod
 id sit falsa Principatus Adiuncta tra-
 dere. Item, si legitimo principatui ve-
 ras virtutes nocere dixit. nam hoc
 est falsum Repugnans, siue falsam
 causam euerrentem tradere. non
 enim legitimo, sed vitioso tantum
 Principatui vera virtus repugnat.
 Alia tamen res erit, si Politicus non
 de Virtute, sed tantum de opinione
 virtutis loquatur. Sicut. n. quorundā
 vitiorum opinio nihil aut nocet aut
 disconducit salutī Principatus, simi-
 liter quarundam virtutum opinio
 nihil prodest, sed potius obest, quod
 tamen non nisi ex euentu, seu per ac-
 cidens vsuuenire solet, quoniam sci-
 licet homines aut deprauatis sunt mo-
 ribus, aut vitia à virtutibus nesciunt
 internoscere. Itaque Princeps alias
 nihil curabit, vt opinionem crudeli-
 tatis & auaritiæ effugiat, alias Clemē-
 tiæ & Humanitatis famam à se vltro
 amolietur. Nam imperium siue amo-
 re, siue reuerentia aut respectu stabi-
 litur.

litur. Amorem vero & reuerentiã in animis subiectorum efficit non virtus in Principe, sed opinio in subditis de Principis virtute. Sicut è diuerso odium & contemptum efficit non vitium in Principe, sed opinio, quam de vitio eius habent subditi. Nam si Princeps sit impius, avarus & crudelis, habeatur autem pro pio liberali & clemente, sine dubio subditi eum amabunt & respectabunt seu reuerentur. Contra si eum credant esse impium, avarum & crudelem, etiam si reuera pius, liberalis, clemensque sit, odio eum prosequuntur & contemnent. Itaque si Politicus præcipit, Liberalitatis & Clementiæ famam Principi nocere, nihil pro temporum conditione dixit falsi, modo ne ipsas virtutes Principi fugiendas esse dixerit. Falsum similiter in Politico accusari poterit, si cum de principatu disputat, non qui aut absolutè ac simpliciter, aut pro rebus circumstantibus, aut ex hypothesis optimus, sed qui maxime communis & plerisque Principum accommodatus sit (nam de his omnibus agere ad Politici officium pertinet, velut supra ex Aristotele & D. Thoma docuimus) tum igitur falsi arguetur, si talem principatum rigida

gida iuris & æqui ac fidei seruandæ religione conseruari affirmet . hoc enim falsissimū esse, vsus quotidianus siue experientia comprobat. nam plerisque principatus, qui iam à ducētis circiter annis in orbe Christiano fuerunt, certissimum est neque simplici-ter, neque etiam pro locorum hominumque conditione optimos fuisse, quoniam potestas principū nimis soluta ac libera erat, nec satis legū vinculis adstricta, ita vt Aristotele iudice tolerabiliore quædam Tyrannides existimari possint. Hos tamen constat non tam iure ac legibus, aut fidei datæ obseruantia, quam partim vi aperta, partim dolo & fide violanda conseruatos & notabilibus incrementis auctos, atque in posteritatem propagatos fuisse, Deo propter occulta populorum peccata id permit- tente. Nihil igitur peccat Politicus, si tractet de Principatu maximè communi & vsitato (nam in hoc subiecto eum occupari conuenit) neque si eum non semper iuris & æqui, siue honesti cura, sed vbi sit occasio, violentia, astutia ac perfidia seruari doceat. Peccat tamen, si talem Principatum laudat, quoniam falsum eius Adiunctum tradit, cum lau-

laudabilis haudquaquam fit , sed multis modis iniurius & infamis .

Iam ut Politicum Prudentiæ Methodum neglexisse vincas , necesse habes demonstrare , nihil eum ca-
uiffe, ne lectoris iudicium de rectè se-
cusve factis deprauetur . Hoc autem
ut præstes, eum cum vitiosi Principa-
tus conseruandi modos tradit , Cate-
goricè , simpliciter & quemadmo-
dum vulgò loquuntur , *assertiuè* , non
hypotheticè , aut cum adiunctione
seu conditione loqui, nec vllam excu-
sandi sui rationem suppeditare pla-
num facies, neque si ea excutias , quæ
ille alibi de vitiosi Principatus , aut
etiam causarum eius & effectorum
Adiunctis tradidit, neque si vel ge-
neralem eius aut specialem inten-
tionem scribendiue consilium , eo
quo supra ostendi , modo expen-
das .

Reprehē
di possūt
Politici
si contra
prudētię
Metho-
dū pec-
cant.

Si enim appareat, id, quod toto li-
bro habuit propositum , laudem me-
reri, neque vtilitatibus humani ge-
neris disconducere, idque quod de
vitiosi Principatus conseruandi mo-
dis præcipit, aut impediendi, aut emē-
dandi eiusdem Principatus vim ha-
bere : non magis eum , quam aut
Aristotelem aut D. Thomam , im-
pru-

prudentiæ accusare possis , quando
eum istorum cum præceptis , tum
exemplo congruenter de repub. di-
sputare cumulatissimè demonstraui-
mus.

F I N I S.







} 30 = Venta
} 69 = limit

